

**SABBATSKOOL
BYBELSTUDIEGIDS
VIR VOLWASSENES**



1 GOD SE LIEFDE EN GEREGTIGHEID



Inhoudsopgawe

1	God het vrywillig lief —28 Desember tot 3 Januarie	4
2	Verbondsliefde —4 tot 10 Januarie	12
3	Om behaaglik vir die Here te wees —11 tot 17 Januarie	20
4	Ons liefdevolle en ontfermende God —18 tot 24 Januarie	28
5	Die toorn van God se tere liefde —25 tot 31 Januarie	36
6	Die God wat geregtigheid liefhet —1 tot 7 Februarie	44
7	Die kwessie oor boosheid —8 tot 14 Februarie	52
8	Vrye wil, liefde en die Godsbestel —15 tot 21 Februarie	60
9	Die kosmiese konflik —22 tot 28 Februarie	68
10	Wat die Groot Stryd alles behels —1 tot 7 Maart	76
11	Wat meer kon Ek doen? —8 tot 14 Maart	84
12	Liefde en Geregtigheid: die twee grootste gebooie —15 tot 21 Maart	92
13	Liefde is die vervulling van die Wet —22 tot 28 Maart	100

Redakteurskantoor
(Rig korrespondensie in Engels aan)
12501 Old Columbia Pike, Silver Spring,
MD 20904, U.S.A.

Besoek gerus ons webwerf by:
<http://www.absg.adventist.org>

Hoofbydraer
John C. Peckham

Redakteur
Clifford R. Goldstein

Subredakteur
Soraya Homayouni

Publikasiebestuurder
Lea Alexander Greve

Redaksionele Assistent
Sharon Thomas-Crews

Pacific Press®
Miguel Valdivia

Illustrasie en Ontwerp
Lars Justinen

©2025, Sewendedag-Adventiste Wêreldkonferensie®. Alle regte voorbehou. Geen gedeelte van die *Sabbatskool-bybelstudiegids vir Volwassenes* (Standaarduitgawe) mag deur enige persoon of entiteit gereedigeer, oorgruk, verander, aangepas, vertaal, herdruk of uitgegee word sonder om vooraf geskrewe toestemming by die Sewendedag-Adventiste Wêreldkonferensie® te verkry nie. Die onderskeie divisiekantore van die Sewendedag-Adventiste Wêreldkonferensie® het wel toestemming om die *Sabbatskool-bybelstudiegids vir Volwassenes* (Standaarduitgawe) te laai

vertaal, hoewel dit onderhewig aan sekere riglyne is. Sulke vertalings en hul gepubliseerde weergawes bly egter steeds die eiendom van die Wêreldkonferensie. "Sewendedag-Adventiste," "Adventiste" en die vlam-logo is geregistreerde handelsmerke van die Sewendedag-Adventiste Wêreldkonferensie® en mag nie sonder die Wêreldkonferensie se uitdruklike toestemming gebruik word nie.

Die *Sabbatskool-bybelstudiegids vir Volwassenes* is opgestel deur die Sewendedag-Adventiste Wêreldkonferensie se Bybelstudiegids vir Volwasse-afdeling. Die voorbereiding van die gids staan onder leiding van die Sabbatskool Publikasieraad, 'n subkomitee van ADCOM (die Wêreldkonferensie Administratiewe Komitee), en is die uitgewer van dié bybelstudiegids. Die gepubliseerde gids weerspieël die bydraes van 'n wêreldwye evalueringskomitee en geskied met die goedkeuring van die Sabbatskool Publikasieraad. Derhalwe verteenwoordig dit nie noodwendig of uitsluitlik die bedoelings van die skrywer/skrywers nie.

Lys van Bybelvertalings

Die skrifverwysings in dié *Sabbatskool-bybelstudiegids vir Volwassenes* (Standaarduitgawe vir die Eerste Kwartaal 2025) — kom uit die volgende vertalings:

Skrifaanhalings gemerk **DB** en **NLV** is onderskeidelik geneem uit *Die Boodskap* ©2002 en *Die Nuwe Lewende Vertaling* ©2006. Gebruik met toestemming van Christelike Uitgewersmaatskappy, Posbus 1599, Vereeniging, 1930. Alle regte voorbehou.

Skrifaanhalings gemerk **ABA**, **NAB**, **OAB** en **AFR20** is onderskeidelik geneem uit *Die Bybel vir Almal* ©2007; *Die Bybel in Afrikaans* ©1983 en 1992, en ©1933 en 1953; asook *Die Bybel in Afrikaans 2020-vertaling met Deuterokanonieke Boeke* ©2020 (Digitale Weergawe ©2020). Gebruik met toestemming van die Bybelgenootskap van Suid-Afrika. Alle regte voorbehou.


Aangaande die E.G. White-aanhaling in Afrikaans

Die Afrikaanse vertalings van die Ellen G. White-aanhaling wat in dié handleiding gebruik word, is deur die vertaler self gedoen. Let wel dat die vermeldde bladynommers ooreenstem met die wat in die Engelse brontekste van die bybelstudiegids verskyn.

Die Vertaler in die Teks

Sinsnede in blokhalies is gewoonlik (maar nie altyd nie) die vertaler se eie byvoegings en het een van drie funksies: 1) om die vertaalde teks beter te laat vloei vir die Afrikaanse leser, of 2) om implisiete betekenis in die Engelse brontekste duidelik te maak in die Afrikaans, of 3) om die teks met verduidelikende aantekeninge toe te lig.

Die God van Liefde en Geregtigheid



Dit is 'n feit: God is liefde soos 1 Johannes 4:8 en 16 sê. Die ganse Bybel getuig daarvan. God se liefdevolle karakter is die spilpunt waarom die Christelike geloof draai. Liefde is die hart en wese van God, die middelpunt van alles wat ons glo, en behoort ook die vertrekpunt van al ons doen en late te wees. Hoe ons liefde verstaan, beïnvloed derhalwe ons ganse oortuiging en die ganse uitleef van ons geloof. As 'n mens, byvoorbeeld, glo dat God se liefde verdien moet word — dat dit 'n kwessie van meriete is — kan jy tot die slotsom kom dat God jou nie [uit die staanspoor] liefhet nie, aangesien jy sondig en onwaardig is. Wanneer hierdie sienswyse op interpersoonlike verhoudings toegepas word, waar verdienstelikheid die maatstaf van wederkerigheid is, is die gevolg ramspoedig.

Hoe ons God se liefde verstaan, het duidelik hier en in vele ander opsigte, verreikende implikasies vir ons oortuigings en die uitleef van ons geloof. Tog is die vraag: maar wat is die liefde dan? Vra tien persone om dit te omskryf en jy kry waarskynlik tien verskillende antwoorde! Selfs by gelowiges bespeur 'n mens vele oorgelewerde mistastings en persoonlike wanopvattinge oor die liefde van God.

Die volgende tipe vrae ontlok uiteenlopende antwoorde by Christene:

Is [die uitleef van] God se liefde net 'n kwessie van gee, maar nooit van ontvang nie? Behels daardie liefde net selfopoffering [by die gelowige] of verheug die Here Hom darem ook in ons? Het die liefde van God ook 'n emosionele komponent? Gee die Here regtig om vir die mens? Kan sy liefde verwerp of verbeur word? Behels die liefde van God wederkerigheid tussen Hom en die mens wat Hy geskape het (m.a.w. word daar, in daardie liefdeband, oor-en-weer uitdrukking aan daardie liefde gegee)? Is [die uitdrukking van] woede onversoenbaar met die liefde van God? Hoe vind liefde aansluiting by geregtigheid? God

is liefde, maar hoe verklaar 'n mens dan boosheid op aarde, om nie eens te praat van die omvang van daardie probleem nie? Kan die mens werklik liefhê soos God liefhet? Indien wel, is die vraag net: hoe sou sulke liefde daarna uitsien?

Die antwoorde op sommige van hierdie vrae is duidelik vanselfsprekend. Tog bevraagteken sommige gelowiges dit wanneer die liefde van God in Christelike tekste en gesprekke ter sprake kom. 'n Verdere komplikasie steek kop uit: antwoorde wat voor-die-hand-liggend blyk te wees, is soms by nadere aanblik strydig met die Bybelse leer oor die liefde van God.

Hierdie vraagstukke kan nie gelyktydig behandel word nie. Nietemin sal ons hierdie dinge, asook ander vraagstukke, deur die loop van die kwartaal bekyk. So sal ons dan tot die slotsom kom dat God se liefde heelwat groter is as wat ons verstaan. Sy liefde, soos dit in die Bybel uitgebeeld word, is ver verheve bokant dit wat die meeste mense deesdae as “liefde” beskou. In die weke wat voorlê, sal ons enkele van die vernaamste en mooiste aspekte van God se liefde in die Bybel van nader bekyk.

Die mate waarin Goddelike liefde en geregtigheid — soos dit in die Bybel uitgebeeld word — onderling verband hou, is van so 'n aard dat jy nie die een sonder die ander kan hê nie.

Mettertyd sal ons agterkom dat die begrippe *Goddelike liefde* en *geregtigheid* onderling verband hou. Die God van die Bybel het 'n voorliefde vir geregtigheid (*let bv. op Jes. 61:8*). Die mate waarin Goddelike liefde en geregtigheid — soos dit in die Bybel uitgebeeld word — onderling verband hou, is van so 'n aard dat jy nie die een sonder die ander kan hê nie. God is liefde. Derhalwe is Hy diep besorg oor ongeregtigheid en lyding in hierdie wêreld. So stel Hy Hom gelyk aan dié wat pyn en onderdrukking deurmaak, en kies om die pyn en smart wat die bese in die skepping gesaai het, deelagtig te word. Hy ly meer as enige van sy skepsels, soveel so dat God self die grootste slagoffer van boosheid word.

Regdeur die Skrif betreur God periodiek die lyding en boosheid wat Hy op aarde sien. Dit ontstel Hom omdat Hy elke mens liever het as wat ons ons kan indink. Die omvang van God se liefde blyk uit Jesus se weeklag oor sy weerbarstige volk: “Jerusalem, Jerusalem! Jy wat die profete doodmaak en die boodskappers stenig wat na jou toe gestuur is, hoe dikwels wou Ek jou kinders bymekaarmaak soos 'n hen haar kuikens onder haar vlerke bymekaarmaak, maar julle wou nie!” (*Matt. 23:37, NAB*).

In die Skrif lees ons dikwels hoe die God van die Bybel — Hy wat liefde is — gebroke is en treur wanneer sy liefde verwerp word of wanneer sy kinders se liefde taan. Die ganse verhaal wat die Bybel oordra, gaan oor die dinge wat God in die verlede gedoen het en besig is om te doen, om liefde in elke hoekie en gaatjie van die heelal te herstel. Dit en vele meer is die onderwerp van hierdie kwartaal se lesse.

John C. Peckman is die subredakteur van die Amerikaanse tydskrif, Adventist Review. Ten tye van die saamstel van hierdie Bybelstudiegids was hy 'n professor in Teologie en Christelike Filosofie aan die Andrews Universiteit se Teologiese Fakulteit.